



IKUGA FONO

FONO FAKAMUA

FONO FAKAMUA
9-11 Tehema 2021
ATAFU

FONO FAKAMUA
9-11 Tehema 2021

MATAKUPU		PAHINA
1.	TAKUTINOGA A NA HUI FONO FAKAMUA FOU-MALO FAKAAUAU	4
2.	PAKETI TUPE 2021/2022-MALO FAKAAUAU	4
3.	LIPOTI O NA GALUEGA FAKAAUAU A TE MALO / LIPOTI O TE COP26-MALO FAKAAUAU <i>1. MATI-TEHEMA 2020</i> <i>2. IANUALI – OKETOPA 2021</i> <i>3. LIPOTI O TE COP26</i>	4
4.	KOMITI O TE GAGANA/FEHOAHOANIGA MAI NIU HILA MO TE KOMIHI O TE GAGANA-MALO FAKAAUAU	5
5.	ILOILOGA O TE TAU MO TE FAKAGALUE O TE MALO-MALO FAKAAUAU	5
6.	LIPOTI TAUHAGA A TE TELETOK 2019/2020-KAMUPANI A TE TELETOK	6
7.	TULAGA ONA GALUEGA FAKATINO MO TE TOE TANUGA O TE FENUA I SAVALALO-MINIHITA O TE TAUTUA LAGOLAGO	6
8.	POLIHI MO FAKAHOAHOAGA A TE TEUGATUPE FAKAVAOMALO A TOKELUA-MALO FAKAAUAU	6-7
9.	TAMAITI AKOGA HIKOLAHUPI KA FAKAAUAU A LATOU AKOAKOGA KI FAFO-MATAEKE O AKOAKOGA	7
10.	FAKAAUAUGA ONA AKOAKOGA MA NA KOLENIGA-MINIHITA O AKOAKOGA	7-8
11.	TAUHAGA AKOGA – TAUPULEGA ATAFU	8
12.	FALEMAI KAUTU O TE ATUNUKU MO NA TUALE HIKITIA KI TOKELAU-MINIHITA O TE OLA MALOLO	8
13.	HIKIMI TUALE-TAUPULEGA ATAFU	9
14.	PELENI HOKOTAGA A TE FAUFAUTUA TAU TE OLA MALOLO/PELENI HOKOTAGA A TE FAUFAUTUA TAU TE OLA MALOLO-ULUFAKATONU	9
15.	POLIHI MO TE FAKAMUTAGA OTE ULAULA HIKALETI-MINIHITA O TE OLA MALOLO	9-10
16.	FAKAMAUTINOAGA ONA FENUA LIHI-TAUPULEGA FAKAOFO	10
17.	AFI MOLI MO FAKAOFO-MALO FAKAAUAU	10-11
18.	ILOILOGA ONA TAU FAKAOPOPO KI NA KOLOA-TAUPULEGA NUKUNONU	11

19.	PEMITA FAIGALUEGA ONA TINO KONEKALATE MAI FAFO- TAUPULEGA NUKUNONU	11
20.	LIPOTI KUATA O FAGOTAGA I TE HONE 1 IULAI-30 NOVEMA 2021-ULUFAKATONU O TOKELAU	12
21.	FAKALAUEFAGA O TE MALOHIAGA MAI TE LA- ULUFAKATONU	12
22.	POLOKETI MO TE PUIPUIGA ONA KOGA TU TAI O TOKELAU-ULUFAKATONU	12-13
23.	TULAFONO O TOKELAU MA TE TAUTUAGA A LEOLEO- ULUFAKATONU	13

1. TAKUTINOGA A NA HUI FONO FAKAMUA FOU

Ko te fono na matau & aloakia:

- i. te takutinoga a na Hui Fono Fakamua fou:
 1. Hui Fatupaepae(Fakaofu)-Afioga Elisapeta Vavega
 2. Hui Taupulega (Atafu)-Afioga Lepaio Lua
 3. Pulenuku(Atafu)-Afioga Faafetai Taumanu

2. PAKETI TUPE 2021/2022-MALO FAKAAUUAU

Ko te fono na matau:

- i. te fakatu a te Afioga Ulu o Tokelau Aliko Faipule Kelihiano Kalolo, ke mafai ke tuku atu na talatalanoaga o te Tupe ki te lloiloga o te Paketi Tupe 2021-2022, i te fono muamua o te tauhaga fou 2022.

Ko te fono na malilie:

- i. talia te fakatu

3. LIPOTI O GALUEGA FAKAAUUAU A TE MALO/LIPOTI O TE COP26-MALO FAKAAUUAU

Ko te fono na matau:

- i. na lipoti ona galuega fakaaauau a te Malo Fakaaauau mo te piliota:
 - a. Mati-Tehema 2020, ma,
 - e. Ianuali-Oketopa 2020, ma,
 - i. fakatahi ai ma te Lipoti o te COP26 (Huiga o te Tau).

Ko te fono na malilie:

- i. ke talia na lipoti katoa kae taua ke toe ahia pea na Taupulega ma ke fakamakeke te tulaga o te taugologolo e tuha ai ma te tonu a te Fono Fakamua.

4. KOMITI O TE GAGANA/FEHOAHOANIGA MAI NIU HILA MO TE KOMIHI O TE GAGANA-MALO FAKAAUUAU

Ko te fono na **matau**:

- i. te fehoahoaniga heleni \$300,000 mai Niu Hila mo te fakatuga o te Komihī o te Gagana.
- ii. na fakatutuga na tuku mai i te pepa mai Niu Hila ki a teki latou e tatau ke i loto o te Komihī.
- iii. matau na filifili ke lavea ni hui o Tokelau i fenua, vena ma kilatou i Niu Hila ke i loto o tenei Komihī.

Ko te fono na **malilie**:

- i. ke toe tamilo atu te kaufaigaluega ke toe fakatalanoa atili tenei matakupu ma na Taupulega.

5. ILOILOGA O TE TAU MO TE FAKAGALUE O TE MALO-MALO FAKAAUUAU

Ko te fono na **matau**:

- i. te folahaga a te Minihita o te Tupe ki te lipoti fakaaauau o te Iloiloga o na Tau mo te Fakagalue o te Malo.
- ii. te fakatu mai te Minihita ona koi lahi ni vaega mo tenei galuega koi manakomia ke fakatotoka, ma, ke mafai ke tuku atu kiei na Fakatonu o na Mataeke, ki te Komiti e takia tenei galuega, ke mafai ke fakatotoka ai te pepa, ma, ke tuku mai ki te Fono Fakamua muamua o te tauhaga fou 2022.

Ko te fono na **malilie**:

- i. ke fakatino pea e te Komiti na filifilia e te Fono Fakamua, e iei ai ia Alan Shaw, Rosita Mauai, Pule Fakahoa Atunuku ma na Fakatonu o na Ofiha o na Taupulega.
- ii. ke tuku mai te lipoti ki na Taupulega ma ke tauhahia te tulafono mo te 10 aho, ma ke vena oi tuku aloakia mai ai ki te Fono Fakamua muamua o te tauhaga fou 2022.

6. LIPOTI TAUHAGA A TE TELETOK 2019-2020-KAMUPANI A TE TELETOK

Ko te fono na matau:

- i. te lipoti tauhaga a te Teletok 2019/2020

Ko te fono na malilie:

- i. ke talia te lipoti kae ke fakatonu te Pule Fakahoa ma te Kaufaigaluega ke malaga mai kina Taupulega ke fakamanino atili te lipoti

7. TULAGA O NA GALUEGA FAKATINO MO TE TOE TANUGA O TE FENUA I SAVALALO-MINIHITA O TE TAUTUA LAGOLAGO

Ko te fono na matau:

- i. te folahaga a te Afioga a te Minihita o te Tautua Lagolago kina galuega a te Mataeke mo te toe fakaleleiga o te fenua o Tokelau i Savalalo.
- ii. te fakatu mai a te Minihita ma te Mataeke, ke mafai ke kavea te fenua i Savalalo, ke fai ma koga ke teu ki ei na koloa tiute, ma, ke maua ai ni heleni ma te Malo o Tokelau, ma, ke teu kiei ni koloa fakamoemoe mo Tokelau ona ko te he lava o te avanoa i te fenua i Matautu.
- iii. te fakafetai a te Fono mo te galuega tenei a te Minihita ma te Mataeke.

Ko te fono na malilie:

- i. ke talia te fakatu a te Minihita ma te Mataeke kae ke fai ma lipoti mai pea kina Taupulega.

8. POLIHI MO TE FAKAHOAHOAGA O TE TEUGATUPE FAKAVAOMALO A TOKELUA-MALO FAKAAUUAU

Ko te fono na matau:

- i. te fakatu a te pepa, ke iei ko he taliaga a te Fono Fakamua ki te Polihi mo te fakahoahoaga o te teugatupe fakavaomalo.
- ii. ni fakapopolega ona Hui Fono Fakamua ki te tonu fai a te Fono Fakamua, ke mafai ke auhia muamua te aofaki \$100 miliona, oi fatoa fai ai kiei hetahi kihilaga.

Ko te fono na malilie:

- i. ke tauhihi pea ki te tonu a te Fono Fakamua ke auhia te aofaki taketi o te \$100 miliona, oi kua fai haele ai ni ietahi tonu pe vefea ona fakatele te ola o te tupe fakavaomalo.

9.TAMAITI AKOGA HIKOLAHUPI KA FAKAAUAU A LATOU AKOAKOGA KI FAFO-MATAEKE O AKOAKOGA

Ko te fono na matau:

- i. te lipoti fakatu a te Mataeke, ke iei he tahi fulifuliga o te tonu a te malo ke toe fakalilu na fanau hikolahipi ki Samoa ma Niu Hila.
- ii. te fakatu ke iei ko te Komiti o te Koviti19 Atunuku(Malo Fakauau), i loto ona talanoaga ienei ma na fakatagaga ke kui mai ai he fautuaga pe fakaaauu na fanau pe heai, ona ko na popolega ki te famai.
te fakatu ke i loto foki i te onononga a te Komiti na fanau e kui tua kina akoakoga.
- iii. he fakatu ke toe kikila totoka te atunuku ki te Peleni mo te Atiakega o Tagata Faigaluega, ke taki kiei na fakamuamuaga o na filiga o hikolahipi, vena foki ma na vaega e naunau kiei ia fanau ke oatu kiei.

Ko te fono na malilie:

- i. ke talia te pepa.
- ii. ke talia ke tuku ki te Komiti Pulepule Atunuku mo te Koviti19 (Malo Fakaaauu), mo ni talatalanoaga fai fakatahi ma te Mataeke o Akoakoga ma te Komiti Hikolahipi, ke taki ki ei te mafai ke toe oatu na fanau Hikolahipi kina akoakoga I Niu Hila ma Samoa.

10.FAKAAUAUGA O NA AKOAKOGA MA NA KOLENIGA-MINIHITA O AKOAKOGA

Ko te fono na matau:

- i. te folahaga a te Minihita o Akoakoga ki ni muna mo te fakaleleiga ona akoakoga matata kehekehe i luga o fenua aua na fanau.

Ko te fono na malilie:

- i. ke talia te pepa i ona vaega katoa.
- ii. ke talia ke fakaaoga te fakatupega \$150,000, mai te paketi o te Hikimi Hikolahipi, ke tuku kina nuku(taki \$50,000 te nuku), ke fehoahoani kina atiakega o ni potu fakapitoa patino kina akoakoga mo na matata kehekehe.
- iii. ke talia te fakatu mo te tofiaga fou (PSET Coordinator), i loto o te Mataeke, mo te atiakega ona akoakoga patino kina matata kehekehe.

- iv. talia ke toe fakalelei atili na tiute o na USP Coordinators i na nuku e 3 ma na matata kehekehe, ma, takua na tofiaga ienei ko na (PSET village Coordinators).
- v. talia ke iei ni faiakoga ke fakatelealea te polokalame mo na fauga fale ma ietahi hikili fakamatata kehekehe(BCAT) i luga o na fenua e 3.
- vi. ke tuku mai he lipoti mai te Mataeke o Akoakoga ki na tau fakaataata mo te atiakega o na matata kehekehe i luga o na fenua, ki te Fono Fakamua ka hohoko o te 2022.

11.TAUHAGA AKOGA – TAUPULEGA ATAFU

Ko te fono na matau:

- i. te pepa ke iei hetahi kikilaga ma te Fono Fakamua ki ana tonu fai agai kina tauhaga akoga ona e iei ni afainaga e tulaki mai ai, e veia ko te tautaliga kina avanoa akoakoga mo kilatou ienei vena foki na pito tau heleni.
- ii. na lagona ona hui mamalu ki te he holotonu o te fakatinoga o tenei tonu i luga ona nuku.

Ko te fono na malilie:

- i. ke talia te pepa, ma,
- ii. ke mafai ke toe fakahavaliala te pepa tenei kina Taupulega ke toe kikila totoka ki te matakupu oi kua toe lipoti mai ai ki te Fono Fakamua ka hohoko I te 2022.

12.FALEMAI KAUTU O TE ATUNUKU MO NA TUALE HIKITIA TOKELAU-MINIHITA O TE OLA MALOLO

Ko te fono na matau:

- i. te pepa ma te tulaga o te toe lipotia mai o te Mataeke ki te matakupu tenei
- ii. na popolega o te fono ona ko te he tauhahia ona tonu fai ki tenei matakupu, kae, maihe ki te tulaga o te toe tuku mai o te lipoti a te Komehina o Tagata Faigaluega kina matakupu fakagaluetino o kilatou i te Mataeke o te Ola Malolo ma te kaufaigaluega a te Falemai o Sagato lohefo i Nukunonu
- iii. te fakatu a te tamana Minihita ke toe iei ko he havaliga a te Minihita ma te Mataeke kina nuku, ke toe fakatalanoa uma na matakupu taukave agai ki te Ola Malolo.

Ko te fono na malilie:

- i. ke talia te fakatu a te tamana Minihita ke toe afea na fenua e 3 e te Minihita Fakatonu ma te Kaufaigaluega a te Mataeke, ke fakatalanoa na matakupu uma agai kite Ola Malolo.

13.HIKIMI TAUALE-TAUPULEGA ATAFU

Ko te fono na matau:

- i. te pepa mai na tamana ki ni popolega agai ki te tulaga o te fakatinoga o te Hikimi Tauale, kae, maihe, ki te tulaga o te filifliga o kilatou ki te Hikimi; matau ni afainaga ki te ola o ni tauale.

Ko te fono na malilie:

- i. ke tuku te matakupu tenei ke fakatalanoagia e na Taupulega ma te Mateke kafai e tamilo atu, ma, ke tuku mai te lipoti i te Fono Fakamua ka hohoko o te 2022.

14.PELENI HOKOTAGA A TE FAUFAUTUA TAU TE OLA MALOLO/PELENI TAKI & PELENI GALUEGA 2021-2031 A TE OLA MALOLO-ULUFAKATONU O TOKELAU

Ko te fono na matau:

- i. te folahaga a te Afioga a te Ulufakatonu agai ki te matakupu tenei; e manakomia ke pahia ma aloakia te Iloiloga ona Tautuaga a te Ola Malolo-Hikimi Tauale Hiki, na fakatino e Massey University i te tauhaga 2019, ka ko heki iei hetahi kikilaga mo te fakatelega ona galuega mo te fakaleleiga lauaitetele ona tautuaga i te ola malolo
- ii. ni popolega o na hui fono ki te iei o ni fakatinoga, i te pito a te Ulufakatonu, ke tautali ai kina fakatutuga o te Lipoti o te Iloiloga ona Tautuaga Ola Malolo-Hikimi Tauale Hiki, kae, ko heki iei he fakamanuiaga ma na Taupulega, kae, maihe, ko te Fono Fakamua mo hana tonu.

Ko te fono na malilie:

- i. ke kikila vave ki ei na Taupulega ma aloakia muamua e te Fono Fakamua te Lipoti o te Iloiloga ona Tautuaga o te Ola Malolo-Hikimi Tauale Hiki, oi kua kikila atu ai pe vefea ona fakatele na fakatutuga mai te lipoti I te Fono Fakamua ka hohoko o te 2022.

15.POLIHI MO TE FAKAHEAI O TE ULAULA-MINIHITA O TE OLA MALOLO

Ko te fono na matau:

- i. te folahaga a te Minihita o te Ola Malolo ki te polihi fakatu ke fakaheai te ulaula tapaka i luga o Tokelau ka pa atu ki te tauhaga 2025.

Ko te fono na malilie:

- i. ke talia te polihi kae ke kikila totoka pe iei ni ietahi afainaga e pa kiei kilatou kafai e taofi vave te ulaula tapaka

16.FAKAMAUTINOAGA O NA FENUA LIHI MA NA TAU AOFAKI MO NA NUKU-TAUPULEGA FAKAOFO

Ko te fono na matau:

- i. te tuku mai a na tamana o te Taupulega Fakaofu ki te tulaga o te he tauhihia o na tonu fai a te Fono Fakamua kina fenua lihi, ma, na matauga kua iei ni huiga agai ki te tulaga o te polihi kua holia ai ni ietahi vaega ona aiaiga e tatia ai nei, maihe, ki te pito a na Mataeke ki ni fenua kua lihi e kilatou.

Ko te fono na malilie:

- i. ke talia ke taofiofi uma na vaega e matau e he holotonu ma te tulaga o te polihi, ma, ke toe tamilo mai te Komiti o Fuaga Fenua ma te Mataeke,(Femalagaakiga ma Tautua Lagolago), ke toe fakatotoka na vaega ienei i luga ona nuku.
- ii. ke opotia atu ki loto ma te matakupu a te Taupulega Nukunonu, ke toe iei he kikilaga kina fenua lihi, kae maihe na fenua kua fakaaoga e na nuku ma na Mataeke ka ko heki totohia.
- iii. ke talia te fakatu a te Minihita o te Tupe, ke tuku mai te lipoti kite Fono Fakamua e 2 o te Tauhaga fou 2022.
- iv. ke tuku mai te Lipoti o na Fenua Lihi e te Mataeke o Femalagaakiga ma Tautua Lagolago kina nuku, e ve o na iei ai te tonu a te Fono Fakamua.

17. AFI MOLI MO FAKAOFO-MATAEKE O TE MALOHIAGA

Ko te fono na matau:

- i. te fakatu mai te Mataeke o te Malohiaga ke iei ko he fehoahoaniga ma te Malo ke tautali ai ki te totohia o te Afi Moli o Atafu, na kavatu ke fakaaoga e Fakaofu.
- ii. he fakatutuga i te pepa ke iei foki he kikilaga ma na nuku ke mafai ko ke tautali foki na Tuhi tupe o na Mita Paoa a na nuku, e he gata ki te fakaleleiga o te Malohiaga i na nuku, kae, ke mafai foki ke fakatau ai na aheta lalahi.
- iii. te fakatu ona ko te fakapopolega ki te lahi o te fakaaoga o na afi ona ko te fakahetonu o te hola, ke, mafai ko ke maua ni afi takitahi a na fenua.

Ko te fono na malilie:

- i. ke talia ke iei ni afi moli takitahi ma na fenua, ma,
- ii. ke tuku atu ki te Iloiloga o te Tupe ke mafai ke tautali ai kina afi ienei.

18.ILOILOGA O NA TAU FAKAPOOPO KI NA TAU KOLOA-TAUPULEGA NUKUNONU

Ko te fono na matau:

- i. te fakatu mai i na tamana ke iei ko hetahi kikilaga ki te tulaga ona pahene fakaopopo kina tau ona koloa.
- ii. e iei te iloiloga ona tau moni ki te malo, ma, e fautuagia ke fakatalanoa haele tenei matakupu.

Ko te fono na malilie:

- i. ke talia te fakatu a te Mataeke o te Tupe kae ke mafai ke tuku mai te lipoti tenei i te fonotaga Fono Fakamua muamua o te tauhaga fou 2022.

19.PEMITA FAIGALUEGA O NA TINO KONEKALATE MAI FAFO-TAUPULEGA NUKUNONU

Ko te fono na matau:

- i. te fakatu ke toe iei ko he iloiloga ona vaega ienei kae ke toe tuku mai ki te fono
- ii. ke taki e te Komehina o Tagata Faigaluega, Faufautua Tulafono, Pule Fakahoa Atunuku, na Fakatonu o te Ofiha o na Taupulega, ke tuku mai he lipoti i te Fono Fakamua ka hohoko o te tauhaga fou 2022.

Ko te fono na malilie:

- i. ke talia te fakatu mo kilatou ienei te Komehina o Tagata Faigaluega, Faufautua Tulafono, Pule Fakahoa Atunuku(ke takia te galuega), na Fakatonu o na Ofiha o na Taupulega, ma, ke tuku mai he lipoti i te Fono Fakamua ka hohoko 2022.

20.LIPOTI KUATA O FAGOTAGA I TE HONE 1 IULAI-30 NOVEMA 2021-ULUFAKATONU O TOKELAU

Ko te fono na **matau**:

- i. lipoti a te Ulufakatonu, fakakui mai i te Minihita o Faiga Faiva, ona ko te he kaufakatahi o te tamana Ulufakatonu.

Ko te fono na **malilie**:

- i. ke talia te lipoti.

21.LIPOTI A TE ULUFAKATONU KI TE FAKALAUUEFAGA O TE MALOHIAGA MAI TE LA-ULUFAKATONU O TOKELAU

Ko te fono na **matau**:

- i. te lipoti fakaauau a te Ulufakatonu ki te poloketi mo te fakalauefaga o te malohiaga o te La.
- ii. na fakatutuga ke tautali ai ki te ova e \$500,000 ona ko te tuai o te fakatinoga o te poloketi.
- iii. te fakatalohaga ke iei hetahi \$1 miliona ke fakaleoleo e te Fono Fakamua ke tautali ai ki ni manakoga fakaopoopo ke fakataunuku ai tenei Poloketi
- iv. Na lagona ona hui ke mafai ke tuku ki te fonotaga muamua o te tauhaga ke hakili ai he heleni ke tautali ai kina vaega ienei.

Ko te fono na **malilie**:

- i. ke talia te lipoti, ma,
- ii. ke fakatalanoa i loto o te Iloiloga o te Tupe i te fono ka hohoko i te tauhaga fou 2020.

22.LIPOTI MO TE PUIPUIGA O NA KOGA TU TAI O TOKELAU-ULUFAKATONU O TOKELAU

Ko te fono na **matau**:

- i. te lipoti fakaauau o te tulaga o te fakatelega o te poloketi mo te puipuiga ona koga tu tai i luga o na nuku.
- ii. e iei te \$250,000 na pahia e te Fono Fakamua mo te fakatinoga o te galuega o te auala laupapa i Nukunonu, e ve ona pahia i te Fono Tupe mo te pahia o te Paketi 2019-2020, i a Iulai 2019 i Atafu.
- iii. te tau fakaataata o te auala laupapa i te kamataga e \$2.5 miliona kua hiki ki te \$4.1 miliona kae e ono iei he huiga e pa kiei.
- iv. te folahaga a te Ulufakatonu ko te hao o Tokelau ki te auala laupapa i Nukunonu e \$250,000.
- v. ke fakaheai te Fakatutuga 2 o te Pepa, mo he \$2.5 miliona, ke fehoahoani ki te Poloketi tenei mo te puipuiga ona koga tu tai.

Ko te fono na malilie:

- i. ke talia te fakatu mo te fakatupega \$250,000, ko te hao ia o Tokelau ki te fakaleleiga o te auala laupapa i Nukunonu.
- ii. ke talia ko te poloketi tenei e fakatalanoa haele ma na nuku mo te fakataunukuga.

23. TULAFONO O TOKELAU MA TE TAUTUAGA A LEOLEO

Ko te fono na matau:

- i. te tuku mai o tenei matakupu e te tamana Ulufakatonu mo te atiakega o te Tulafono vena ma na fakaleleiga kina tautuaga a leoleo.

Ko te fono na malilie:

- i. ke toe fakaulu mai te pepa tenei i te Fono Fakamua ka hohoko Tauhaga 2022.

Kona Ikuqa Fono ienei kua hainia ma fakamaonia e:

Takitakifono:
Afioga Sakalia Sakaio

Aho:.....

Hui Takitakifono:
Afioga Mika Kalolo

Aho:.....

Ki latou na kau fakatahi mai ki te Fono Fakamua.

Hui Fono Fakamua

Fakaofu

1. Afioga Faipule Fofu Esera Tuisano
2. Afioga Puleuku Mose Pelasio
3. Afioga Tinielu Tu'umuli
4. Afioga Kaio Isaako
5. Afioga Aokuso Vavega
6. Afioga Tofiga Teao
7. Afioga Malia Tavita Pu'e
8. Afioga Elisapeta Vavega
9. *Afioga Safiti Vavega Taupau (Hauatea)*
10. *Afioga Sio Sio (Hauatea)*

Nukunonu

1. Afioga Faipule Siopili Perez
2. Afioga Puleuku Lino Isaia
3. Afioga Peter Tavite
4. Afioga Peato Pelenato
5. Afioga Pita Patelesio
6. Afioga Save Tumua
7. Afioga Lepeka Amato-Perez
8. *Afioga Iaheto Lui (Hauatea)*
9. *Afioga Falaniko Kosema (Hauatea)*

Atafu

1. Afioga Ulu o Tokelau, Faipule Kelihiano Kalolo
2. Afioga Puleuku Fa'afetai
3. Afioga Takitakifono Sakaria Sakaio
4. Afioga Hui Takitakifono Mika Kalolo
5. Afioga Teloloma Paulo
6. Afioga Lepaio Lua
7. Afioga Dr. Sirila Enosa
8. Afioga Amusia Hakai
9. Afioga Latu Lopa
10. Afioga Elia Mamoe (Hauatea)
11. Afioga Feleti Lopa (Hauatea)

Kaufaigaluega Tautua

Fakaofu

Hina Kele
Malia Pereira
Heo Peleni
Tavita Pue

Nukunonu

Asi Pasilio
Ta'ase Sio
Sefo Leo
Pafelio Tumua

Mataeke o te Ola Malolo
Rosa Tulano

Mataeke o te Faiga Faiva
Feleti Tulafono

Mataeke o te Tamaokaiga, Koa
Fakanatula ma te Hikohikomaga
Mika Perez

<p>Falaniko Aloisio Suliana Pahina Viliamu Ioapo Tegei Lui Otilia Clarke</p> <p><u>Atafu</u> Ivoni Taupau Nomani Tavita Ioapo Pelesa Hegalo Taumanu Nomani Tavita Hegalo Taumanu Nomani Tavita Saniata Semisi Atene Kelihiano Timoteo E Sirila Hannah Hakai Poasi Tuilotolava Seiuli Aleta</p>	<p><u>Mataeke o Akoakoga</u> Elaine Lameta</p> <p><u>Mataeke o te Ofiha o te Malo Fakaaau</u> Alainu'uese Tino Vitale Apolima Tamoia</p>
---	--

PEPA FAKAPIPIKI 1

Teuteuga e Fautuagia mo te 2020-21 (ve ona tuku atu i te palakalafa 2)

Vaega	Paketi na	Fakafanogatupe	Teuteuga	Paketi
-------	-----------	----------------	----------	--------

	Pahia	Ova i te Tauhaga kua Tekā		Fou
Tupe Tauhi	13,100,000	0	-600,000	12,500,000
Fakatupega Patino	0	0	600,000	600,000
Fagotaga	17,500,000	0	-1,500,000	16,000,000
Lafoga	1,600,000	0	150,000	1,750,000
Pahehe Vaka	700,000	0	-160,000	540,000
Pahehe Uta	750,000	0	-100,000	650,000
Tiute	1,300,000	0	180,000	1,480,000
Fakatauakiga	850,000	0	-300,000	550,000
AOFAKI TUPE MAUA	35,800,000	0	-1,730,000	34,070,000
Atafu	3,913,813	-24,000	-10,000	3,879,813
Fakafo	3,970,886	0	-10,000	3,960,886
Nukunonu	3,865,301	-26,000	-10,000	3,829,301
Huiga ki te Tau	545,000	-39,000	-110,000	396,000
Tamaokaiga	919,000	-243,000	0	676,000
Akoakoga	1,935,000	-104,000	-150,000	1,681,000
Malohiaga	460,000	-93,000	-10,000	357,000
Tupe	1,115,000	0	-40,000	1,075,000
Fagotaga	985,000	0	-150,000	835,000
Ola Malolo	1,000,000	-14,000	-80,000	906,000
Ofiha o te Malo Fakaauau	1,785,000	0	-200,000	1,585,000
Komihi mo te Kaufaigaluega	346,000	0	-20,000	326,000
Tautuaga Lagolago	720,000	0	-10,000	710,000
Femalagaakiga	5,875,000	0	-1,000,000	4,875,000
Totogiga Tupe mo te Malo	4,000,000	0	-240,000	3,760,000
AOFAKI TAU MAHANI	31,435,000	-543,000	-2,040,000	28,852,000
Galuega Lalahi – Atafu	400,000	-34,000	0	366,000
Galuega Lalahi - Fakafo	400,000	0	0	400,000
Galuega Lalahi - Nukunonu	400,000	0	0	400,000
Galuega Lalahi – Atunuku	3,910,000	0	0	3,910,000
AOFAKI GALUEGA LALAHĪ	5,110,000	-34,000	0	5,076,000
AOFAKI TUPE FAKAFANO	36,545,000	-577,000	-2,040,000	33,928,000
(TUPE OVA) / TUPE MAMĀ	(745,000)	577,000	310,000	142,000

